

詩
家
鼎
鑪



詩家鼎鑪

高麗中書給事

四庫全書珍本初集

集

總集

部類

詳校官中書臣瞿照

助教臣常循覆勘

總校官降調編修臣倉聖脉

校對官主事臣陳墉

謄錄監生臣施華

欽定四庫全書

集部八

詩家鼎鑪

總集類

提要

臣等謹案詩家鼎鑪二卷不著選輯人姓名
卷首有小序署曰倦叟亦無姓氏案倦圃為
曹溶別號此序當即溶所題其書乃宋末人
所錄南渡諸家之詩上卷五十八人下卷三
十七人每人各著其里居字號為例不一所

多顛倒失倫未能盡臻精核然哀輯既廣所
 錄詩人具有專集流傳者什無一二今惟蘇
 洵王邁章甫諸人幸於永樂大典中掇拾叢
 殘遺稿復得重顯於世而其他別無表見者
 尚多得是書以存其一斑於詩家考據之助
 要不無小補焉乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

首有王暉姓名指為元之王秋澗遂謂此書

當出於元人不知元之王暉為汲縣人而此

書明題曰古汴王暉乃自開封南渡者署其

舊貫之詞宋時往往有此稱實與元時王暉

無涉秋澗集內亦並無此詩又書中尚有環

溪馬知節與宋史有傳之祥符馬知節亦同

姓名而非一人此更可以為證王暉之為宋

人固無足致疑者特其間家數太雜時代亦

詩家鼎鑿序

宋李江湖詩派以尤楊范陸為大家茲選均不及稍推服紫芝石屏後村儀卿其餘人各一二詩止隘矣疆事日蹙如處漏舟里巷之儒猶刊詩卷相傳誦且諸人姓名有他書別無可考獨見之此編者存以徵晚宋故實也倦叟

去日春蠶吐雪絲歸時霜菊剝金衣沙鷗不入鴛鴻侶
依舊滄浪繞釣磯

溪翁劉淮叔通

平遠臺

海天漠漠水雲寬開到梨花正自寒却擁重裘上平遠
愁心千疊倚闌干

韓府

寶蓮山下韓家府鬱鬱沉沉深幾許主人一朝出漢塞

欽定四庫全書

詩家鼎鑪卷上

古汴王暉

楊柳枝

密葉陰陰漢將營
春風吹斷鼓聲聲
少年不說封侯事
柘彈銅丸落曉鶯

武夷劉褒伯寵

題旅舍

去日春蠶吐雪絲歸時霜菊剝金衣沙鷗不入鴛鴻侶
依舊滄浪繞釣磯

溪翁劉淮叔通

平遠臺

海天漠漠水雲寬開到梨花正自寒却擁重裘上平遠
愁心千疊倚闌干

韓府

寶蓮山下韓家府鬱鬱沉沉深幾許主人一朝出漢塞

綠戶玄牆鎖風雨九世卿家一朝覆太師之誅魏公辱
後車不信有前車突兀眼前看此屋

山陰蘇洞名叟

金陵

朱雀街頭觀闕紅角門東畔是春風人家一樣垂楊柳
種入宮牆自不同

除夕呈主人

使節梅花外椒盤淚眼邊山川非故國笳鼓咽新年機

事鷗偏覺家書雁不傳
細籌今夕恨萬一故人憐

遠菴方士繇伯謨

崇安分水道中

溪流清淺路橫斜
日暮牛羊自識家
梅葉陰陰桃李盡

春光已到白桐花

穀城黃銖子厚

梅花

玉簫吹徹北樓寒
野月崢嶸動萬山
一夜霜清不成夢

起來春信滿人間

鐵笛亭

一聲蒼壁裂再奏蛟龍悲事往迹猶在山空人不歸

雲巖陳均平父

九江聞雁

烟波渺渺夢悠悠家在江南海盡頭音信稀踈兄弟隔
一聲新雁九江秋

澗谷羅椅子遠

吳江雪霽圖

天上清流雪片人間名勝吳松兩賢相厄已甚賴得斜
陽半峰

陳子予

秋思

柳岸風條頰老橘林露葉猶香門對一天秋色人行十
里斜陽

李士舉

竹枝辭

江上漁舟葉葉輕
峽中雲雨晚涼生
長亭宴罷客歸去
桂樹夕陽啼鳥聲

鄱陽章甫冠之

寄荆南故人

餘年自判一虛舟
未害尋詩慰客愁
梅欲飄零猶蘊藉
柳纔依約已風流
關心弟妹無黃犬
入夢江湖有白鷗
別後故人相念否
春風應倚仲宣樓

括蒼鄭克己仁叔

旅中遇故人

雲薄清溪水天寒黃葉風鄉關三載別客路一尊同
舊事如昨日問年俱老翁相看今夕意淚冷菊花叢

送中書王舍人出使

細馬鏤金鞍文星使可汗袖中天詔重帳外節毛寒
烽火燕城急塵沙朔野寬安邊存大體何必斬樓蘭

章泉趙蕃昌甫

蔡季通挽詩

鷓鴣叫春林復遞詩雁回霜月忽傳悲
蘭枯蕙死迷三楚
雨暗雲昏礙九疑
早歲力辭公府檄
暮年名與黨人碑
嗚呼季子延陵墓
不待鏡詞行可知

答施榮甫

昨韻村中行客稀
今吟臨水送將歸
笑談未了風吹斷
何日重能欵竹扉

漫堂劉宰平國

乙酉述懷

水邊舟子競招招
陌上車塵晚更囂
只有幽人無箇事

藕花深處弄輕橈

天樂趙師秀紫芝

約客不來

黃梅時節家家雨
青草池塘處處蛙
有約不來過夜半

閒敲碁子落燈花

薛氏瓜廬

不作封侯念悠然遠世紛
唯應種瓜事猶被讀書分野
水多於地春山半是雲
吾生嫌已老為圃未如君

庵西

數里庵西路東風去更吹
稻寒生葉細梅老作花遲
小憩嫌無侶曾遊憶有詩
新螢光尚小未暗出空池

冷泉亭夜坐

衆境碧沉沉前峰月正臨
樓鐘晴聽響池水夜觀深
清淨非人世虛空見佛心
卻尋來處宿風起古松林

題陳待制與造化遊之樓

何處飛來縹緲中人間惟有畫圖同
兩層簾幕垂無地一片笙簫起半空
岸竹倒添秋水碧渚蓮平接晚霞紅
主人未達蒙莊旨虛倚闌干面面風

呈蔣薛二友

中夜清寒入緼袍一杯山茗當香醪
禽棲竹葉霜初下人立梅花月正高
無欲自然心似水有營何止事如毛
春來擬約蕭閒伴同上天台看海濤

十里

烏紗巾上是黃塵落日荒原更恐人竹裏怪禽啼似鬼
道旁枯木祭為神亦知遠役能添老無奈高眠不抹貧
此地到城惟十里明朝難得自由身

莆陽趙庚夫仲白

落魄

落魄蕉衫戴道冠
菖蒲滿案浸清寒
有錢即買丹沙鍊
無病猶將素問看
連日遊山僧共住
頻年乞米鶴同餐

世間不朽非鍾鼎曾與高人靜處觀

道中逢潛夫

相逢投草舍對雨話移時衣濕全無火囊空各有詩客
程樵可問日課僕皆知未別情先惡那堪遠別離

習氣

習氣年來已盡除一牕長是讀方書家因護竹厨無筍
住偶隣僧飯有蔬老去情懷多感舊貧來親故不如初
幾時深入青山隱木葉為衣穩跨驢

解林趙善扛文鼎

春辭

碧落初明月未收
露華香滴杏梢頭
玉闌干外東風暖
人在重雲第幾樓

兩山趙汝喙仁父

別朱子大蘇名叟

薄宦塵埃易滿襟
問盟猶喜盍朋簪
只今風月一杯酒
他日雲山千里心
楊柳陰疎秋館靜
芙蓉香冷暮江深

潮回一信西興渡為寄相思別後吟

送梅牕兄

離歌休再疊我亦不堪聞山接詩愁去雲隨別袂分官
閒寧問祿命薄謾能文悵望梅邊屋花開更憶君

山民徐照道暉

石門瀑布

一派從天下曾經李白看千年流不盡六月地常寒灑
水跳微沫衝崖作怒湍人家深碧處常有老龍盤

張端義正甫

挽周晉仙

策杖辭朋友形骸已可憐
無錢親藥裹冒雨上歸船
官竟生前棄詩應死後傳
空餘京洛月愁照夜臺邊

天台徐似道淵子

偶題

老去功名不掛懷
高眠之外只清齋
偶因種竹便多事
風葉掃餘還滿階

轉菴潘檉德久

釣臺

蟬冠未必似羊裘出處當時已熟籌但得諸公依日月
不妨老子卧林丘英雄陳迹千年事香火空山萬木秋
自笑黃塵吹鬢客愛來祠下繫扁舟

鷺

銀潢何限鵲查查看得橋成度寶車如許風標無用處
年年分占水蒨花

西巖翁卷靈舒

寄遠

秋氣日淒清
秋衣殊未成
在家猶不樂
行路若為情
幾處看山色
暮天聞雁聲
思君有幽夢
夜夜出江城

野望

一天秋色冷
晴灣無數峰
巒遠近間
自上山來看
野水却於水
底見青山

龍洲劉過改之

寄湖州趙侍郎

桑柘村村烟樹濃
新秧刺水麥梳風
舟行苕霅雙溪上
人在蘇杭兩郡中
鼓角麗聲喧旦暮
旌旗小隊間青紅
主人夙有神仙骨
合住水晶天上宮

送王簡卿歸天台

枚數人才難例指
有如公者又東歸
班行失士國輕重
道路不言心是非
載酒青山隨處飲
談詩玉麈為誰揮
歸期趁得東風早
莫放梅花一片飛

千巖萬壑天台路一日分為兩日程事可語人酬酢易
面無慚色去留輕放開筆下閒風月收斂胸中舊甲兵
世事看來忙不得百年到手是功名

月渚杜東晦之

山行

遠岫依依落照平林隱隱踈鐘獨跨蹇驢歸去梅花一
笑相逢

綠珠

金文四庫全書
卷上
以色危身豈不知甘心死別不生離樓前甲士紛如雪
正是花飛玉碎時

平山堂

平山堂下水雲重
孤笛淒涼淡月中
不見龍蛇飛素壁
只餘狐兔成離宮
仙翁已逐風流盡
世事俱隨夢幻空
廣武無人同此意
慨然止有淚臨風

小山杜耒子野

寒夜

寒夜客來茶當酒竹爐湯沸火初紅
尋常一樣牕前月纔有梅花便不同

送吳太博赴莆中

貴為五馬只儒酸都說先生大耐官
去國十年雖已久愛君一念不曾寒
定知前輩如公少好與今人作樣看
歸日不須囊蓋政有書堪錄荔堪乾

送劉帥歸蜀

送劉帥歸蜀

萬水朝東弱水西先生歸去老峨眉
人間那得樓千尺望得峨眉山見時

春日即事

春風翻滌潑濃綠花露滴枝黏老紅
小立樓頭檢春事一絲暖日墜青蟲

竹溪饒良輔昌朝

竹徑步月

素月流空天不夜清輝散入疎林下
下有幽人獨往來

杖藜縹緲誰能畫

乙山黃鑄亦顏

贄見洪師

風烟入暝少人行獨鶴來依帝子城
華表柱頭霜月冷
清宵有夢到鐘聲

長樂鄭舜卿虞任

昭君曲

前輩作昭君曲其辭多後人追感昭君之事

而憐之耳未足以見當時馬上之情而寄其
隱悲也從當時之稱當日昭君曲

沙平草軟雲連綿臂弱不勝黃金鞭琵琶圍繞情如訴
妾心驟感君王憐自入昭陽宮過箭流芳年姪娥容華
貌如玉瑣牕粉黛添嬋娟妾醜已自知羊車春草空芊
芊內中時時宣畫工分定愧死行金錢那知咫尺間筆
端變媼妍玉階銅砌呼上馬重瞳光射搔頭偏念此一
顧息穹廬萬里寧無緣紫臺房櫳夢到曉日暮忍看征

鴻翩吞聲不敢哭哭聲應徹天但得君王知妾身應信
目前皆山川不必誅畫工此事古則然但願夕烽常不
驚甘泉妾身勝在君王前寄語幕南諸將軍虎頭燕頰
食肉休籌邊自呼琵琶寫此曲有聲無調誰能傳

月湖何異同叔

一犁春雨圖

負郭先疇二頃餘飽看雨後著耕夫軟紅塵裏家山夢
却就君家閱畫圖

南州來梓子儀

子猷訪戴

四山如玉夜光浮一舸玻璃凝不流若使過門相見了
千年風致一時休

東溪許玠介之

漢宮春夜

虛輪約采千門外
牕眼滲光金箔碎
渴龍滴水續銅壺
簷馬呼風搖玉佩
宮車聲遠翠幌幽
珠簾間却珊瑚鈎

著山兩點亦何有中鎖萬斛相思愁蜀羅窗炬光明滅
紅淚難濺守宮血遙夜春寒聽曉鐘角聲滿地梨花雪

南豐曾極景建

寄蔡西山

四海朱夫子徵君獨典型青雲伯夷傳白首太玄經有
客憐孤憤無人問獨醒瑤琴空寶匣絃斷不堪聽

清涼寺李王寢殿基

秋葉春花迹已陳袞龍曾繞夢中身夷門金鼓從天下

驚起床頭對鼻人

行宮古龍屏風

乘雲遊霧過江東
繪事當年小葉公
可惜垂空千丈勢

翦裁今入小屏風

李顯卿

冬日山村

枯木扶疎夾道傍
野梅倒影浸寒塘
朝曦不到溪陰處

畱得橫橋一板霜

大梁張良臣武子

曉行

千山萬山星斗落一聲兩聲鐘磬清
路入小橋和夢過
豆花深處草蟲鳴

葵牕周端臣彥良

內人燒香圖

花底燒香深閉門宮鴉棲了已
黃昏君王未識無人妬
雖不承恩却感恩

早冬湖上

晴湖水落稻田乾
白鳥飛來立晚寒
楊柳不知秋已遠
尚搖踈翠拂闌干

劉寺墳園

萬竹蒼寒擁寺門
寺牌金字御書存
榮華肯信當年夢
儀制空留後世恩
影閣有燈塵網暗
殯宮無月土花昏
見梅不敢輕攀折
恐是春風水際魂

古斷腸曲

條風牕戶柳陰陰
雲碧春衫護水沉
花裏小欄人不到
流鶯啼起去年心

依舊斜陽燕子樓
共誰把酒話閒愁
韋娘去後西風老
爛漫黃花滿院秋

觀潮行

吳山越山相對青
中有滾滾長江橫
長江誰道不曾改
年來一半沙填平
潮生潮落何時了
萬古人間一昏曉
歲歲吳儂來看潮
不知潮送吳儂老
酒樓笙歌喧醉耳

客帆翻覆雲濤裏悠悠哀樂永相忘空江落日秋風起
竹園于草去非

春晚

舍南舍北草萋萋原上行人路欲迷已是春寒仍禁火
棟花風急于規啼

花翁孫惟信李蕃

禪寂之所有賣花聲出廊廡間清婉動耳

曲巷深房憶帝州賣花庭宇最風流
牕紗破曉斜開扇

簾繡籠陰半上鉤
少日喜拈春在手
暮年羞戴雪盈頭
泉南寺裏蕭蕭雨
婉婉一聲無限愁

東澗陳元鑑

金陵懷古

英雄戰守幾春秋
虎踞龍蟠古石頭
北固只憑江水在
中原長對夕陽愁
曹劉設有經營志
王謝空遺富貴羞
舉目便懷千古恨
鳳凰臺上不須游

苔磯葉元素唐卿

自贊

心事茫然兩鬢斑十年空走利名關
算來只合苔磯坐
釣不得魚猶得閒

靖逸葉紹翁嗣宗

遊園不值

應嫌屐齒印蒼苔十叩柴門九不開
春色滿園闕不住
一枝紅杏出牆來

野蝶

銀為鬚翅玉為肌驅役春風不解肥桃李上林無分到
可憐只傍菜花飛

送馮濟川歸蜀

勇喚東吳萬里船皂囊來奏九重天一官豈為蘇洵冗
諸老寧容賈誼先滿載月歸應有命便耕雲去豈無田
竹枝歌罷蓬牕掩到此相思益黯然

亦山鄭會有極

邨間壁

酴醾香夢怯春寒
翠掩重簾燕子閒
敲斷玉釵紅燭冷
計程應說到常山

天台丁木子植

次韻何安節撫機

送別邗江路梅花作暮愁
闕情何水却回首古揚州
雁影明寒水冰澌澁去舟
想應今夜宿霜月滿瓜洲

白雲趙崇嶠

閨詞

恨殺庭前鵲難憑卜
遠期朝朝來報喜
誤妾畫雙眉

采蓮詞

別浦潮生花夢寒
片紅飛下粉痕乾
預知妾面如花面
泣向西風不忍看

四明潘嶼

客中九日

破帽西風急
寒牕敗葉飛
重陽今日是三徑
幾時歸
簷上多黃菊
門前少白衣
吟情淡如水
一雁叫斜暉

南康馮去非可遷

江上

清秋不可奈先自懶登樓一雁叫寒水數峰生遠愁乾
坤消劍氣江海笑詩流不解人間事眠鷗儘自由

寓居

身世漂流付等閒向來感慨鬢毛斑喚船載夢西興渡
借屋盛書北固山開到黃花風漸銳照殘清野月頻彎
江流送我東來了何日潮頭送我還

祈門道中

麥穎垂垂稻已秧
好風晴日燕飛忙
無人得似游絲懶
相逐秋千過粉墻

所思

雁自飛飛水自流
西風不寄小銀鈎
斜陽何處橫孤草
十二闌干一樣愁

竹所趙崇滋

悼步月

雁過妝樓人不見斷腸又是一黃昏不知天上嬋娟影
能照人間寂寞魂響屐廊深空認步唾茸牕暖尚留痕
合將一把香酥骨葬在巫陽雲雨村

會稽陸叡景思

退宮人效項斯

破篋猶存舊賜香輕將魂夢別昭陽只知鏡裏春難駐
不信人間夜更長父母家貧容不得君王恩重死難忘
東風二月垂楊柳猶解飛花入苑牆

梅村倪龍輔唐輔

登樓有感

好趁西風理釣舟
半生書劍兩悠悠
憑高有恨無人識
空負關河萬里秋

宮怨

翠袖無香鏡有塵
一枝花瘦不藏春
十年不識君王面
始信嬋娟解誤人

遊齋陳叔堅堅甫

送素上人遊方

不是無衣鉢師心酷愛山
自言行脚好却厭住菴間野
水寒林外孤雲夕照間
清遊何處寺須寄好碑還

三山黃深源益長

秋日寄懷友人

幾度裁書無雁休思君天濶水悠悠
自從席上飛花後又見江頭落木秋
背壁一燈憐瘦影誰家雙杵動新愁
不知今夜西風裏人倚月明何處樓

可山林洪龍發

春宮

桃李大宮寂君王在石渠臨鸞悔梳洗女色不如書

泊湧金門

煙生楊柳一痕月雨弄荷花數點秋此景此詩摹不盡
畫船歸去有漁舟

松山曹蘧

南徐懷古呈吳履齋

金史四庫全書
卷上
匹馬來逢塞草秋，淮雲一片隔神州。
黃昏燈火西津渡，白晝風煙北固樓。
猶有斷碑和晉宋，誰將遺石問孫劉。
天荒地老英雄盡，落日長江萬古愁。

雲間儲泳

隱者

盡日掩柴門，何人得見君。
祇應喧寂異，似有聖凡分。
瀑近夜疑雨，山深晴亦雲。
傳聞九霄翮，落羽正紛紛。

秋夕懷友

樓高不敢眺愁思滿滄洲有夢隔千里無書過一秋晴
風吹野樹落日照寒流客裏添蕭索何時得共游

藥牕王安之叔安

寄友

憶昔青燈夜對牀冷猿聲裏早梅香一從去櫂衝寒雪
幾度凭闌到夕陽秋思漸于蟬外覺別愁空入雁邊長
梧桐解得離人意不遣西風葉盡黃

容安王顯世子亦

烏駐道中

蹲鴟用事謝黃獨木奴弄色陵烏桺落日人行桑柘裏
西風雁過稻梁時故山秋晚正如此遊子天寒何所之
一笑沙禽忽驚去水邊的樂早橫枝

金沙夏

闕

詩家鼎鑪卷上

欽定四庫全書

詩家鼎鑿卷下

石屏戴復古式之

湘中遇翁靈舒

天台山與雁山隣只隔中間一片雲
一片雲邊不相識
三千里外却逢君

釣臺

萬事無心一釣竿三公不換此江山
平生恨識劉文叔

惹起虛名滿世間

湘西寺

東岸樓臺西岸山
瀟湘一片在中間
紅塵不到滄波上
僧與白雲相對閒

春日

滯滯江湖久蹉跎
白髮新客愁茅店
雨詩思柳橋春秣
馬尋歸路騎鯨問
故人山林與朝市
何處著吾身

別邵武諸故人

白髮亂紛紛鄉心逐海雲此行堪一哭無復見諸君老
馬尋歸路孤鴻戀舊羣酒闌何處笛今夜不堪聞

鄂渚烟波亭

倚遍南樓到鶴樓小亭瀟灑最宜秋接天烟浪來三峽
隔岸樓臺又一州豪傑不生機事息古今無盡大江流
凭欄日暮懷鄉國崔顥詩中舊日愁

都中懷竹隱徐淵子直院

手攜漫刺訪朝官爭似滄洲把釣竿萬事看從今日別

九原叫起古人難
菊花到死猶堪惜
秋葉雖紅不耐看
多謝天公憐客意
霜風未忍放朝寒

登南息南樓

欲從高處賞新秋
上盡層坡更上樓
天地無情吾輩老
江山有恨古人休
寧隨狡兔營三窟
且跨飛鴻閱九州
憶着當年杜陵老
一生飄泊也風流

後村劉克莊潛夫

穴蟻

穴蟻能防患常于未雨移聚如營落日散似去邠時斷
續緣高壁周遭避淺池誰為謀國者見事反傷遲

夜過瑞香菴

夜深捫絕嶺童子旋開扉問客來何暮云僧出未歸山
空聞瀑瀉林黑見螢飛此境惟予愛他人到想稀

揚州作

幾多精甲沒黃沙野哭遙憐戰士家瓜步月明空粉蝶
蕪城煙斷只昏鴉似聞漢使頒王醢尚喜健兒剖帝羆

金匱四庫全書
卷下
惆悵兩淮蠶織地春風不復長桑芽

漁梁

春泥滑滑雨絲絲一路陰寒少霽時
水入陂渠喧似瀑雲從山崦上如炊
燎衣去傍田家火爇燭來看野店詩
落盡梅花心事惡獨搔蓬鬢遶殘枝

清涼寺

塔廟當年甲一方千層金碧萬支郎
開山佛已拋凡界住院僧猶說李王
遺像有塵龕壞壁斷碑無首立斜陽

唯應駐馬坡頭月曾見金輿夜納涼

西山

絕頂遙知有隱君餐芝種朮鹿為羣
多應午竈茶煙起山下看來是白雲

西野劉克遜無競

送揚帥

累詔登華省當時已避蹤身閒名轉重
道大世難容南國因鋤薤東山得倚筇
何當投劾去短褐許相從

菊磴高九萬九萬

送方巖先生

忠言歷歷未曾行
盡載圖書出帝城
餘子但知才可忌
先生當以去為榮
門闌竹石關心久
部曲溪山照眼明
長嘯歸興莫悵悵
浙江風定自潮平

清明日

南北山頭多墓田
清明祭掃各紛然
紙灰飛作白蝴蝶
淚血染成紅杜鵑
日落狐狸眠塚上
夜歸兒女拜燈前

人生有酒須當醉一滴何曾到九泉

感懷

漂泊南州又過年恰如杜子客鄜川酒堪度日難為醉
詩怕傷時未可傳店舍無烟兵火後街坊有月試燈前
荒涼古驛聞吹笛老淚縱橫落枕邊

雜興

新分菊本自鋤山手縛枯藤作矮闌比似著書空用力
種花猶得一年看

恭跋思陵宸翰石本後

淡黃越紙打殘碑盡是先皇御賜詩白髮內人和淚讀
為曾親見寫詩時

秋夜

老去驚秋白髮添不禁涼吹逼踈簾樓高幸自蛩聲遠
爭奈梧桐又傍欄

踈寮高似孫續古

四聖觀

水明一色挹神州雨壓輕塵不敢浮山北山南人喚酒
春前春後客凭樓射熊館暗花扶屐下鵝池深柳拂舟
白首都人能道舊君王曾奉上皇遊

水西

抱崖一水限僧居空翠溟濛畫不如落日遊人山窈窕
清風啼鳥竹蕭疎

長平游儀伯莊

題鄂州黃鶴樓

長江巨浪拍天浮城郭相望萬景投漢水北吞雲夢入
蜀川西帶洞庭流角聲交送千家月野色中分兩岸秋
黃鶴樓前人不見却尋鸚鵡下汀洲

寒巖游次公子明

早起

銀床露濕井華寒自挈銅瓶汲水還宿雨未乾池館靜

涼蟬猶在棟梁間

來陽道中

山頭磴石危梯險山下荒田野草悲
更著秋風吹兩鬢
不消幾日盡成絲

釣磯

竹裏茅茨竹外溪粼粼白石護漁磯
想應日日來垂釣
石上蓑衣不帶歸

默齋游九言誠之

美人倚樓圖

簷頭燕子說春寒蝴蝶悠悠午夢殘
睡起高樓多少恨

天涯小雨怯闌干

溪上

煙開曉日照溪頭
溪上人家岸下舟
啼鳥不知春已老

數聲自喜碧巖幽

受齋游九功勉之

浯亭望橫山

峩峩岸東山
躍來勢奔虬
橫約一溪水
抱邑止復流
近

郭看逾好向望此
其尤翠展曲屏寬
一目千里收此山

此之水我歌我來游知不市聲雜亦忘溪上幽方將解
其縛於焉我何求

答黃叔暘

冥鴻倦雲飛斂翼退遵渚秋蟲感時至自野來在宇老
我久合歸溪山况延佇俯此沙水清面被烟塵聚龍斷
既衝衝瀾倒亦訐訐豈無砥中立而不改風雨忽忻遠
寄聲秀句盈章吐燦爛炯寒芒晴空見冰柱頗聞詞場
筆漫焉葉如土黃梁枕上過得之亦不處獨行固不移

猶在審去取

題魏醇父菊莊

東籬采采人歸來長歌三嘆書生老子方青春志紫霄
種菊幽探計何早一枝可愛況千叢想應苦吟被花惱
西風浩然天池秋白露霏空下百草此時此花抱幽貞
寧銜世間顏色好日斜寒照萼明韡霜輕淨澈香遠到
淡焉見謂山澤癯淵乎我愛其似道荒畦野逕尤愜性
何似移根伴枯槁雖知晚節亦何用為制頽齡聊自保

魯菴黃師參子魯

李鹹谷歌

李鹹谷真詩人無枝可棲雲水身去年縣官為架屋纔
有數枝堪寄宿朝厨無烟眠正高癡兒叫怒吟轉豪人
間六月盡絺服獨著春衫涼自足黃雞白酒東家留西
家欲畱還住休鑿池養魚未盈掌有客過門須舉網網
收魚盡鏡奩空菜羹作供尤春風谷之山窈復深誰其
友之紫芝民谷之水清且泚誰其似之巢父耳再拜號

君鹹谷子白頭結交從此始

過廬陵

昔年樓迹處今訪不知門
華屋半塵土故人餘子孫
少留誰共語欲去轉銷魂
落日江樓望江山空復存

詠懷

南國有佳人不數陰麗華
長年事絺葛無語吟柳花
平生父母心豈不願有家
紛紛輕薄兒媒氏空自譁
失身死堪羞失時未須嗟

小樓卽事

病起懶拈酒盞衣單頓怯春寒獨把東坡詩卷立殘西
日闌干

南溪黃登瀛父

萬峯菴

上到山巔曉色分眼看殘月待朝昕望迷四顧渾如海
立欲移時祇是雲隱隱樓臺平地見行行鐘磬半天聞
舉頭頓覺青霄近我欲乘風謁帝君

李杜元白

過廢寺

溪沙橫漲水痕平
閒叩雲闌壁半傾
殿上土花人不
到
斷甃支睡聽蟬鳴

夢菴張際

梅

扶筇拄月過前溪
問訊江南第一枝
驛使不來羌管歇
等閒開落只春知

斯菴任希逸伯起

檢院即事

輦路風清蜚早鴉
官卑難趁紫宸衙
了無公事鈎簾坐
一樹冬青落細花

平齋洪咨夔舜俞

六月十六日宣鎖

禁門深鎖寂無譁
濃墨淋漓兩相麻
唱徹五更天未曉
一池月浸紫薇花

王章

皂囊盟手日封題
忘却牛衣忍凍啼
一點丹心通碧落
歲寒寧負白頭妻

哭都城火

辛卯

九月丙戌夜未中
祝融張焰通天紅
層樓傑觀舞燧象
綺峯繡陌奔燭龍
始從李博士橋起
三面分風十五里
崩摧洶湧海潮翻
填咽紛紛釜魚死
開禧回祿前未聞
今更五分多二分
大塗小撤噤不講
拱手坐視連宵焚

殿前將軍猛如虎
救得汾陽令公府
祖宗神靈飛上天
痛哉九廟成焦土

鶴山魏了翁華父

夜景

遠鐘入枕遞新晴
衾鐵稜稜夢不成
起傍梅花讀周易
一牕明月四簷聲

畱畊王伯大幼學

丹青閣

傑閣岩堯倚壁蒼菊花時節此持觴市聲一殿隔秋水
橋影半空橫夕陽挺挺霜筠排壑立涓涓石溜引山長
人言絕頂多奇觀安得閒身宿上方

信菴趙葵南仲

荒城

城荒葉落風颼颼淮水茫茫古渡頭回首不堪行樂地
黃花點點是離愁

節齋陳昉叔方

宮詞

桂影婆娑玉殿涼
風傳花漏夜聲長
內人亦有思僊者
月下吹簫引鳳凰

臞軒王邁實之

飛翼樓

舊傳范蠡故址

亭前一望海東流
更有雄樓在上頭
燕子飛來春漠漠
鷓鴣夷仙去水悠悠
神交故國三千里
目斷中原四百州
日暮片雲棲古樹
昔人留與後人愁

華谷巖架坦叔

晚春

生平得意在煙霞
失脚黃塵負歲華
過了海棠渾不省
夢中猶自詠梅花

還家

萬屋煙消餘塔身
還家何處訪情親
舊時巷陌都忘記
却問新攜來住人

鳳山巖蕭伯復

落花

片片落花飛隨風去不歸如何臨欲別不得傍君衣

三休巖參少魯

梅

何年流水恨昨夜小橋春縱有相逢地都無可寄人

看雪

天遠正難窮樓高不堪倚醉夢入江南楊花數千里

樵溪巖仁次山

平遠樓

湘中病客思歸日
城上高樓獨倚時
半樹夕陽鴉集早
一江秋色雁來遲

聞雁

西風吹夢楚江秋
雁正來時妾正愁
怕有帛書天外至
畫眉未了急登樓

塞下曲

漠漠孤城落照間
黃榆白葦滿關山
千枝羌笛連雲起

知是朔方牧馬還

滄浪逋客嚴羽儀卿

酬友人見贈

湘江南去少人行瘴雨蠻煙白草生誰念梁園舊詞客
枕榔樹下獨聞鶯

送友人之楚州

黯黯離筵夕照收邊城羌笛起邊愁念君此去三千里
何處關山是楚州

送別

客鬢風霜晚離亭鼓角聞念君當此去把袂不能分
衡霍連秋氣蒸湘合暮雲愁心將落葉向晚共紛紛

絕句

西陵終日望不見有歸橈欲去猶回首寒江起暮潮

臨川逢鄭遐之雲夢

天涯十載無窮恨老淚燈前語罷垂明發又為千里別
相思應盡一生成洞庭波浪帆開晚雲夢蒹葭鳥去遲

世亂音書何日到
關河一望不勝悲

送張季遠入京

手把一枝菊贈君
千里行山川遙滿目
何處是吳京
飲罷北風起
蕭蕭塞雁聲
東流儻未盡
見我望君情

訪益上人蘭若

獨尋青蓮宇
行過白沙灘
一徑入松雪
數峯生暮寒
山僧喜客至
林野借人看
吟罷拂衣去
鐘聲雲外殘

閩風山人上官良史偉長

尋巖丹丘東潭居二首

丹丘儀卿舊字

愛子東溪幽抱被來同宿山家無膏火然薪代明燭閒
牕何所有古書三五束烏棲月上時還見簷前竹
山齋櫺牖踈水月連春霧今夕定何夕清心欣所遇如
從天姥遊似得招提趣幽夢出雲時匆匆山鳥曙

泊舟有懷

渺渺復迢迢楓林帶柞橋沙寒初上月浦暗已回潮霜
葦多先折江花或後凋今宵何處雁相伴宿蘭橈

河梁值雨有懷嚴羽

葦岸逢殘雨
河橋對暮流
停鞭一帳望
客思暫夷猶
楓葉滿江色
夕陽終古愁
遙憐君亦苦
不共故園秋

竹莊賴鑄成之

送鄭居之

牕前落葉正蕭蕭
夜雨寒燈共寂寥
君是居人予是客
明朝相候合江橋

春塘錢舜選

示姪

才過中年百念輕，獨于風月未忘情。
貧將入骨詩方好，事不縈心夢亦清。
萬卷難圖金馬貴，一篷當與白鷗盟。
幸然不作諸侯客，猶恐江湖說姓名。

節齋蔡淵伯靜

仲弟未歸歲晚有懷

明月照席寒生我，愁百端冉冉歲云徂。
遊子不顧還相送，荷花碧相望。楓葉丹高樓日，
千回散步東林隈。攀條

復攬秀日暮空徘徊金杯白玉臺猶能對寒梅寄書豈
不早三月千里道敢怨歸軒遲但念堂中老春風萱草
生更樹堂前庭

九峯蔡沈仲默

贈琴士翁明遠

膠漆本無意絲桐非有情因緣醉翁指發此無窮聲蕭
蕭秋風引落葉渭水清喧喧陽春歌花明錦江城離鸞
月徘徊別鶴雲杳冥清冷洒毛髮震蕩驚雷霆曲度神

莫測調高妙難名時方多艱虞掩耳誰為聽無為恩怨
兒女語疆場勇士軒昂行

古州馬子嚴莊父

烏林詞

荊州兇曹不足恃何物老瞞欺一世兵書浪語十三篇
不料烏林出奇計陰準雲孫驅伏龍紫髯強援邀江東
戈船植羽蔽寒日雪浪崩崖驚晚風行間一卒如兒戲
持火絕江人不意灰消漢賊終老心功入喬家少年壻

君不見華容道傍春草生
魂消不聽車馬聲
哀猿夜啼霜月冷
空餘野燐沙邊明

環溪馬知節介卿

枯梅

斧斤戕不死半蘚半枯槎
寂寞幽厓下一枝
三四花

雪巖宋伯仁器之

東趙監鹽

西風吹破黑貂裘
多少江山惜倦遊
紅葉已霜天欲暮

綠衰初雨客吟秋人逢知己無榮辱事不縈懷任去留
但是菊花開便好醉中休說異鄉愁

芸隱施樞知言

小樓

簾捲西風入小樓夕陽銜雁欲西流無人細說吟邊事
獨有黃花共晚秋

閨思

簾底臨鸞惜歲華鬢雲慵掠寶釵斜落梅香斷無消息

一樹春風屬杏花

雪蓬姚鏞希聲

桐廬道中

兩岸山如簇中流鑠翠微
風帆逆水上江鶴背人飛
野廟青楓樹人家白板扉
嚴陵臺下過不敢浣塵衣

別毛滄洲

風雨三更夢江湖萬里心
青燈正愁絕可惜不能琴

放船

數幅蒲帆破曉煙一篙春水漲平川誰家池館多楊柳
時送飛花到客船

道士黎師侯道華

門外

門外黃塵尺許深癡兒抵死競浮沉誰知一寸茅簷日
天付閒人直萬金

道士王克功德成

思友

孤坐忽太息拂衣臨長風天高夕月冷木脫秋山空良
晤匪易得好懷難再同思君不可見心逐孤飛鴻


劍浦思歸

韶華客裏一番老自嘆此生行路多獨上危樓望鄉國
闌干倚遍奈愁何

古柳枝頭啼暮鴉清明時候又天涯故園桃李憑君問
老却春風幾度花

梅仙山

芒屨支藤上翠微
長松影裏叩柴扉
石壇丹竈蒼苔冷
天濶風高鶴不歸



詩家出籟卷下
身風天高月冷
木却林山空身

韻通... 詩... 卷下... 身風天高月冷... 木却林山空身

身自... 卷下... 身風天高月冷... 木却林山空身

卷下

身自... 卷下... 身風天高月冷... 木却林山空身

